# Bulteno de la

# Londona Esperanto-Klubo

2016 novembrodecembro

## Kluba Programo:

#### novembro:

- 4 Literatura Vespero ĉe IBIS
- 11 Filmo de prelego pri Van Gogh (Katalina Kovats) –
   ĉe DIORAMA
   (1800h: konsilantaro)
- 18 Diskut-rondo ĉe IBIS
- 25 Trejnado de trejnistoj en TEJO (Saŝa Kovyazina) ĉe DIORAMA

#### decembro:

- 2 Literatura Vespero ĉe IBIS
- 9 "La malaperanta stelo" (Tim Owen) ĉe DIORAMA (1800h: konsilantaro)
- 16 Zamenhofa Vespero ĉe DIORAMA

23 dec – 6 jan Neniu kunveno

## januaro 2017:

13 Novjara Festo – ĉe DIORAMA

### **Esperanta Kalendaro:**

27 dec-3 jan 2017: 15a Novjara Renkontiĝo (NR) Saarbrücken, Germanio <u>www.esperantoland.org/nr</u>.

19-21 majo 2017: Brita kaj Skota Kunkongreso, Edinburgo. http://britakongreso.org.

22-29 julio 2017: Universala Kongreso de Esperanto, Seulo, Sud-Koreio. <a href="https://www.uea.org/kongreso">www.uea.org/kongreso</a>j

#### Aliaj anoncoj:

Prezentu ĉefprogrameron! Se vi havas taŭgan temon kiu amuzos aŭ informos klubanojn, ne hezitu proponi vin al la program-sekretario.

Bv. sendi informon al la bultenisto antaŭ 9a decembro por mencio en la sekva Kluba Bulteno.



(vidu 11 novembro)


Vincent Willem VAN GOGH [fan hoĥ] (naskiĝis la 30-an de marto 1853 en Groot-Zundert, la nuntempa Zundert, Nederlando; mortis la 27-an de julio 1890 en Auvers-sur-Oise, Francujo) estis nederlanda pentristo, kiu havis grandan influon al la pentrarto de la 20-a jarcento. Konforme al nederlanda tradicio li montris ordinarajn objektojn tra la riĉeco de lum-ludo, kiel ekzemple en la pentraĵoj Dormejo en Arles kaj Cigana tendaro. Frua periodo de lia arto estis transiro de realismo al ekspresionismo. Vincent van Gogh lasis ne nur pli ol du mil pentraĵojn kaj desegnaĵojn, sed ankaŭ pli ol ok cent leterojn skribitajn al siaj familio kaj amikoj, el kiuj 652 al sia frato Theo van Gogh, kun kiu li havis tre proksiman rilaton. Ne tre konata en la jaroj 1890-aj lia verko rimarkiĝis de aŭtoroj kaj pentristoj simbolismaj en Francujo, Nederlando, Belgujo kaj Danujo. En la 1930-aj jaroj liaj pentraĵoj altiris jam cent dudek mil homojn al la ekspozicio de la muzeo pri moderna arto en Novjorko (Usono). Lia verko estas plena je naturalismo, inspirita de impresionismo, divisionismo kaj punktilismo, anoncis faŭvismon kaj ekspresionismon. Vincent van Gogh, kiu preferis subskribi siajn pentraĵojn per nur Vincent estas nuntempe la plej konata pentristo de la tuta mondo.

(teksto el Vikipedio)

# Loko, horaro kaj aliaj informoj

Ni kunvenas vendredvespere, en iu el du lokoj: Diorama Arts Studios, 201 Drummond Street, NW1 3FE (por kunveno kun programo); Hotel Ibis, 3 Cardington Street, NW1 2LW (por diskutrondo)

Kutima programo ĉe Dioramo:
18:00 malfermiĝo kaj bonvenigoj
19:15 - 20:15 prelego aŭ alia ĉefprogramero
20:15 - 20:45 paŭzo
20:45 - 22:00 forumo, diskuto aŭ daŭrigo de la ĉefprogramero
22:00 fino



Loko:

Metrostacio: Euston, Warren St (Victoria linio) Euston Square (Circle linio)

Fervojo London Overground: Euston

Busoj: 10, 14, 18, 24, 27, 29, 30, 73, 88, 134, 205, 390; krome: 453, *C*2 (Dioramo); 59, 68, 91, 168,

253, 476 (Ibis).

<u>Kotizoj</u>: £10 jare; fora membro: £6 jare. Kluba retejo:

http://www.esperanto.org.uk/lek/lek.htm

Lokaj grupoj: Kingston: Roy Cliffe 020-8397 5895; Orientlondono: Roy Simmons 01473-461346 rokeby@globalnet.co.uk; Sudlondono: Gregory Porilo 020-8672 8095 esperanto-sleg@tiscali.co.uk. Federacioj: Orienta: John Redgwell, 17 Dover Close, Braintree, Essex CM7 5TD; Sudorienta: Kevin Murray, 11 Leybourne Ave, West Byfleet, Surrey KT14 7HB 01932-345779 yarrump@gmail.com.

# Letero de nia Prezidanto

Karaj Klubanoj:

Lastatempe sukcesis ĉe la KERekzamenoj kelkaj kutimaj ĉeestantoj de LEK-kunvenoj. Gajnis MAGNUS HENOCH, SAŜA KOVYAZINA, MARTENO MINIĤ, MATT PEPERELL, CHRIS LEWIS kaj DIANA



**ROBIN**. **RENATO CORSETTI**, kiu sperte organizis la ekzamenojn je pluraj niveloj en Londono, aperis kun la sukcesintoj en grup-foto, publikigita en ĵusa numero de La Brita Esperantisto.

Parolante pri tiu numero, mi laŭdu ankaŭ aliajn enhavojn. TIM OWEN majstre verkis biografiajn artikolojn, pri kaj PAUL GUBBINS, kiu forpasis ĵuse, kaj HAROLD BOLINGBROKE MUDIE, kiu forpasis antau 100 jaroj. Ambaŭ artikoloj estas detalplenaj sed vastatemaj. Tim bonege verkis, prezentante karakterojn, historiaĵojn kaj vivojn egale. Li ja kaptis multajn nuancojn de la respektivaj personecoj, epokoj kaj subtemoj, eĉ, ekzemple, je homoj krom la centraj herooj. Tim meritas grandan aplaŭdon, pro ĉio tio. Troviĝis en la sama periodaĵo jubilea anonco, pri la Ora Datreveno de TERRY kaj ANICA PAGE, kiuj geedziĝis en 1966. La anonco kaj artikoleto enhavis belan foton de la geedziĝtago.

Kvankam mi scias, ke tiu antaŭaĵo konsistigas preskaŭan reklam-recenzon, tamen mi sentis devon esprimi la pensojn tiel.

Nun, al aliaj aferoj. Ni danku al **MATT PEPERELL**, kiu lernigis LEKanjojn pri la Esperant-lingva tablo-ludo, Tabu', ĉe Diorama. Tiun ludon Matt efektive mem konstruis, el plasto, papero ktp; kaj ĝi lerte pensigis kaj ekzercigis la partoprenantojn de tiu kunveno.

Kaj ĉe Hotelo Ibis, vizitis nin juna usonanino, **BARBARA**, el Austino, Teksaso. Ŝi amatore kaj registre kantas ĉe Jutubo (kie ŝi nomiĝas **FRANCES EVERETT**), kaj almenaŭ unu kanto estas en Esperanto. Ŝian lokan Esperanto-grupon priraportis la gazeto, Austin American Statesman; cetere ŝi kaj ni bonkore transdonis - kaj daŭre transdonas - salutojn reciproke al samideanoj en la propraj landoj.

Atendu pliajn novaĵojn pri LEK en la nova jaro ...

Felican Festsezonon!,
David Thornell

Funkciuloj: Honora Prezidanto: Marjorie Boulton; Honora Vicprezidanto: Heleno Fantom;

Konsilantaro: David Thornell (Prezidanto kaj Sekretario), Terry Page (Vicprezidanto), John Wells (Vicprezidanto), Arturo Prent (Kasisto), Anica Page (Registristo), Renato Corsetti, Roland England, Stan Keable, Anna Lowenstein, Antony Rawlinson (Bultenisto).

<u>Adresoj: David Thornell:</u> lek.sekretario@gmail.com; <u>Arturo Prent:</u> 7 Walton Garden, Hutton, Brentwood CM13 1EJ ap\_esp-lek21@yahoo.co.uk, <u>Terry kaj Anica Page</u>:7 Hampton, Gt Holm, Milton Keynes MK8 9EP terry\_page@btinternet.com, anica\_page@btinternet.com, <u>Antony Rawlinson</u>: 5 Thorpe Crescent E17 5BY acj.rawlinson@ntlworld.com.